



Visoki predstavnik se sastao sa komesarom Hahnom

Visoki predstavnik Valentin Inzko danas se u Sarajevu sastao sa komesarom EU, Johannesom Hahnom, i zahvalio mu za sve što je postigao i doprinio kako bi Upitnik koji su predale vlasti Bosne i Hercegovine danas bio prihvaćen. "Kada je prije nekoliko godina rečeno da do 2020. godine neće biti proširenja, neki su razumjeli poruku, a neki su bili razočarani. Danas, uz angažman komesara Hahna, proces proširenja i perspektiva zemalja Zapadnog Balkana izgledaju drugačije."

Visoki predstavnik Inzko je također čestitao ovaj posebni dan za Bosnu i Hercegovinu i predsjedavajućem Vijeća ministara BiH Denisu Zvizdiću, direktoru Direkcije za evropske integracije Edinu Dilberoviću i šefu Delegacije i specijalnom predstavniku EU Lars-Gunnaru Wigemarku.

Visoki predstavnik Inzko, koji je bio i specijalni predstavnik EU, rekao je da "kada je riječ o odnosima između EU i BiH, pamtiću dva događaja, a to je liberalizacija viznog režima 2010. godine i današnji dan, 28. februara 2018."